

## Evening Dogri (NSD) Bulletin 24-03-2024

### आकाशवाणी

#### खबरां ---

1. विदेश मंत्री डॉ. जयशंकर होरें आखेआ जे दफा 370 भारती संविधान च आरजी व्यवस्था ही ते इसी लम्में चिरें तगर बनाई रक्खने कन्नै मुख्य गी नुकसान होआ।
2. रक्षा मंत्री राजनाथ सिंह होरें पक्के निश्चे, धेइये ते दलेरी ते बलिदान लेई सैनिकें दी सराहना कीती।
3. चुनांस आयोग नै दिव्यांग मतदाताएं लेई मतदान सौकखा बनाने गितै 'सक्षम' ऐप शुरू कीती ऐ।
4. हर बरे 24 मार्च गी तपेदिक दिवस मनाया जंदा ऐ तां जे इस बारे लोकें च जागरूकता फैलाई जाई सकै। राष्ट्रपति द्रोपदी मुर्म होरें देशवासिं गी गुजारिश कीती

ऐ जे ओह किट्ठे रलिए कम्म करन ते भारत गी तपेदिक मुक्त बनान।

5. केंद्र नै अगले निर्देश तगर गंडें दे निर्यात पर पाबंदी लाई दिती ऐ।

<><><><><><>

### **Jaishankar-Article 370**

विदेश मंत्री डाक्टर एस. जयशंकर होरें आखेआ ऐ जे संविधान च दफा 370 दा प्रावधान आरजी व्यवस्था दे तौर पर कीता गेआ हा ते इसी लम्मे समें तगर बनाई रखने कन्नै मुख्य गी नुकसान होआ ऐ। सिंगापुर च भारती समुदाय कन्नै चर्चा च उनें आखेआ जे दफा 370 गी विस्तार दित्ते जाने कन्नै अलगाववाद, हिंसां ते आतंकवाद दी भावना गी बल थहोआ ऐ। डॉ. जयशंकर होरें आखेआ जे इस करी जम्मू-कश्मीर ते लद्दाख च

प्रगतिशील कन्नूनें गी लागू करने च रूकावट पैदा होई।  
उनें आखेआ जे इस व्यवस्था च बदलाव दे नतीजे हून  
हर कोई दिक्खी सकदा ऐ।



### Ladakh-Rajnath Visit

रक्षा मंत्री राजनाथ सिंह होंरे लेह च सैनिके कन्नै रंगे  
दा त्यौहार होली मनाया। मंत्री होंरे सियाचिन च तैनात  
सैनिके कन्नै गल्ल कीती ते होली दियां शुभकामनां  
दितियां। उनें सैनिके गी भरोसा दोआया जे ओह तौले गै  
लद्दाख औडन ते सैनिके कन्नै गल्लबात करडन। उंदा  
सियाचिन दा दौरा लाने दा कार्यक्रम हा पर साजगार  
मौसम नेई होने करी नेई जाई सकै। रक्षा मंत्री होंरे लेह  
युद्ध स्मार्क च पुष्प चक्र चाढेआ ते मुख्य गी सेवा ते  
रक्षा लेई सैनिके दे बलिदान गी चेता कीता। रक्षा मंत्री

होरें लेह च सैनिकें गी संबोधित कीता ते उंदी दलेरी,  
बलिदान, बहादुरी ते धेड़यै गी नमन कीता। उनें गलाया  
जे हर मौसम ते मुश्कल हालात च सैनिक मातृभूमि दी  
रक्षा लेई तैनात रौहंदे न।

<><><><><><>

### Singh-Ladakh

रक्षा मंत्री राजनाथ सिंह होरें लद्दाख च बड़े मते सर्द  
हालात दे बावजूद राष्ट्र दी रक्षा लेई थेहारबंद बलें दी  
सराहना कीती ऐ। सेना अध्यक्ष जनरल मनोज पांडे होर  
बी इस मौके उंदे कन्नै हे। जोआनें गी होली दी मुबारक  
दिंदे होई उनें आखेआ जे लद्दाख भारत दा मान ऐ ते  
एह स्हाड़ी दलेरी गी दर्शादा ऐ। एहदे शा पैहले सिंह होरें  
जवानें गी मठेआइयां बंड्डियां ते होली दा रंग लाया।



## Ec. Special

भारत चुनांs कराने आले संस्थान चुनांs आयोग दी सदा इयै कोश्ट रौहंदी ऐ जे कोई बी योग्य मेदवार वोट पाने कोला खुंजी नेई जा। स्हाड़े संवाददाता नै जानकारी दिती ऐ जे चुनांs आयोग नै 85एं बरें कोला मती उम्मी दे बुजुर्गे ते 40 प्रतिशत कोला मती अछमता आले दिव्यांग जनें गी घरै दा वोट पाने दी सुविधा इस बारी उपलब्ध कराई दी ऐ। एहदे अलावा हर मतदान केंद्र पर स्वयंसेवी ते व्हील चेयरां बी बुजुर्गे ते दिव्यांगों दी सुविधा लेई उपलब्ध रौहडन। एहदे कन्नोकन्नी ऐसे मतदाताएं गी घरां मतदान केंद्र तोड़ी ते वोट पाने दे बाद परतिए घर छोड़ने लेई गड्डी दी सुविधा बी उपलब्ध रक्खी गेदी ऐ। चुनांs आयोग नै सक्षम नांs

कन्नै इक ऐप बी शुरू कीती ऐ जेदे राएं इनें सेवाएं लेई ओह विकल्प चुनी सकदे न। एहदे अलावा मतदान केंद्रें पर पीने लेई पानी, शौचालय, व्हील चेयर, मतदाता सुविधा केंद्र, बसां लेई शेड, रोशनी, साइन बोर्ड ते होर केई सुविधां बी शामिल न।

<><><><><><>

### **Bihar-JDU List**

बिहार च एनडीए गठबंधन दे घटक दल जनता दल यूनाइटेड नै सब्बनें 16 लोकसभा सीटें सोयां अपने मेदवारें दी सूचि जारी करी दिती ऐ। ज्यादातर मेदवार मौजूदा सांसद न। सीवान लोकसभा सीट थवां मौजूदा सांसद कविता सिंह ते सीतामठी संसदीय क्षेत्र थवां सांसद सुनील कुमार पिंटू दा टिकट पार्टी आलाकमान नै कट्टी दिता ऐ। सीवान सोयां विजय लक्ष्मी देवी ते

सीतामढी लोकसभा टीट थवां देवेश चंद्र ठाकुर हों गी  
मेदवार बनाया गेआ ऐ। साबका सांसद लवली आनन्द  
शिवहर लोकसभा सीट सोयां चुनांs लड़न। सीट बंटवारे  
दे समझौते च जनता दल यूनाइटेड गी एह सीट भारती  
जनता पार्टी थवां थोई ऐ। पार्टी सोयां होरनें प्रमुख  
मेदवारें च मुंगेर सोयां राजीव रंजन उर्फ ललन सिंह,  
मधेपुरा सोयां दिनेश चंद्र यादव नालंदा सोयां कौशलेंद्र  
कुमार ते पूर्णिया सोयां संतोष कुशवाहा शामिल न।  
भागलपुर संसदीय क्षेत्र सोयां मौजूदा सांसद अजय  
कुमार मंडल, बांका सोयां गिरिधारी यादव ते कल्हिर  
सीट थवां दुलाल चंद्र गोस्वामी हों गी परतिए टिकट  
दिता गेआ ऐ।

<><><><><><>

**Anurag Punjab CM**

भारती जनता पार्टी दे वरिष्ठ नेता ते केंद्री मंत्री अनुराग सिंह ठाकुर होरें पंजाब च जहरीली शराब करी 21 लोकें दी मौत दे बावजूद पंजाब दे मुखमंत्री भगवंत मान हुंदे प्रदेश च नेई होने गी लेइए नुक्ताचीनी कीती ऐ। नमीं दिल्ली च संवाददाताएं कन्नै गल्ल करदे होई उनें आखेआ जे दिल्ली च मौजूद भगवंत मान होरें इस घटना पर नां ते कोई प्रतिक्रिया दिती ऐ ते नां गै जांच शुरू कीती गई ऐ। ठाकुर होरें आखेआ जे देश दी जनता इसी स्वीकार नेई करोग। उनें गलाया जे शराब नीति आले मामले च मनीष सिसोधिया, संजय सिंह ते हून दिल्ली दे मुखमंत्री केजरीवाल होर जेल च न तां पंजाब दे मुखमंत्री दिल्ली पुज्जे न पर 21 लोकें दी पंजाब च होई दी मौत पर चुप न। प्रधानमंत्री नरेंद्र मोदी हुंदे बारै च तमिलनाडू दे मंत्री अनीता राधा



कृष्णन हुंदी आपत्तिजनक टिप्पणी पर ठाकुर होरें  
आखेआ जे इंडी गठबंधन दे लो अपना विवेक मुआई  
चुके दे न। उनें गलाया जे इस बयान लेइ गठबंधन गी  
माफी मंगनी लोइचदी।

<><><><><><>

## T.B.Day

अज्ज 24 मार्च ऐ। इस ध्याड़े गी दुनिया भरै च टी.बी  
डे मतलब तपेदिक दिवस दे रूपै च मनाया जंदा ऐ।  
अज्जै दे रोज 1892 च डा. रार्बट कोच नै टी.बी  
जिम्मेदार बैक्टीरिया जिसी माइको बैक्टीरियम ट्यूबर  
कुलोसिस दी पंछान कीती ही। इस ध्याड़े गी मनाने दा  
मकसद लोकें च टी.बी बमारी दे बारे च जागरूक करना  
ऐ तां जे सब्बनें गी इस बमारी, एहदे फैलने दे कारणें,  
एहदे बचा ते इलाज बारै जागरूक कीता जा ते इसी

फैलने सवां रोकेया जाई सकै। टी.बी बमारी इस्सै बैक्टीरियम दी वजह कन्नै फैलदी ऐ ते ज्यादातर एहदे असर फेफड़ें पर दिक्खने गी लब्बदा ऐ। उआं टी.बी, गुर्दे, दमाक, हड्डिएं ते स्हाडिएं स्पाइंज पर बी असर करी सकदी ऐ। माहनू च बमारिएं दा मकाबला करने आली रोग प्रतिरोधक शक्ति दा घट्ट होना, नसती खराक, सिगरेट तम्बाकू छिड़कने या लम्मे चिरै थमां शूगर दी बमारी बी टी.बी दा कारण बनी सकदी ऐ। पैहली बारी एह ध्याड़ा 1983 च मनाया गेआ हा ते ओहदे बाद हर बरे 24 मार्च गी दुनिया भरै च इसी मनाया जान लग्गा।

<><><><><><>

**Prez. T.B.Day**

राश्ट्रपति द्रौपदी मुर्मू होंरें टी.बी दिवस दे मौके पर देशवासिं अग्गे अपील कीती ऐ जे भारत गी टी.बी कोला भलेआं मुक्त बनाने लेई किट्ठे रलिए सहयोग करन। राश्ट्र दे नां अपने इक सनेए च राश्ट्रपति होंरें इस गल्लै पर खुशी प्रगट कीती जे हर ब'रे 24 मार्च गी टी.बी बारै जागरूकता पैदा करने लेई एह् ध्याड़ा मनाया जंदा ऐ। उनें आखेआ जे इस ध्याड़े गी मनाने कन्ने इस चुनौती कन्ने निब्बड़ने च औने आलियां दिक्कतां बी दूर होडन। उनें आखेआ जे एह् ध्याड़ा असेंगी चेता नोआंदा ऐ जे बेल्ले सिर एहदा पता लग्गने ते इलाज शुरू करी देने कन्ने इस खतरे शा बचेआ जाई सकदा ऐ।

<><><><><><>

**Onion Export**

केंद्र सरकारै गंडें दे निर्यात पर रोक गी अगले हुकमै तोहड़ी बधाई दिता ऐ। गंडें दी घरेलू उपलब्धता बधाने ते एहदे भाएं गी काबू च रक्खने आस्तै एह फैसला लैता गेआ ऐ। विदेशी बपार सरबंधी महानिदेशालय D.G.F.T. नै आखेआ ऐ जे गंडें दे निर्यात पर रोक 31 मार्च 2024 तगर ही ते हुन इसी अगले आदेश तोहड़ी बधाई दिता गेआ ऐ। पिच्छले ब'रे दिसंबर च सरकार नै गंडें दे निर्यात पर रोक लाई ही। उआं बक्ख-बक्ख मामलें दी बिनाह उप्पर दोस्त मुल्खें गी गंडें दे निर्यात दी इजाजत दिती गेई ही।

<><><><><><>

### Prez. PM Holi

राश्ट्रपति द्रौपदी मुर्मू ते प्रधानमंत्री नरेंद्र मोदी होरें होली दी पूर्व संझा लोकें गी शुभकामनां दितियां न। राश्ट्रपति

होरें इक सनेह च आखेआ जे होली खुशिएं दा त्यौहार ऐ जेड़ा लोकें च आसां मेदां ते उत्साह दी भावना जगांदा ऐ। उनें आखेआ जे होली दे रंग मुख्य दी विविधता दा प्रतीक ऐ ते एह त्यौहार प्रेम, इक जुटता ते भाईचारे गी बढ़ावा दिंदा ऐ। प्रधानमंत्री नरेंद्र मोदी होरें बी देशवासिएं गी होली दियां शुभकामनां दितियां। उनें मेद जाहिर कीती जे होली जीवन च नमीं उर्जा ते उत्साह दा संचार करोग।

<><><><><><>

## Parliament Deligation

स्विटजरलैंड दे जिनेवा च 148में संसदीय सम्मेलन च भारत दी अगुवाई राज्यसभा दे उपसभापति हरिवंश होर करा रदे न। शिष्टमंडल नै संगठन दे एशिया प्रांत भू-राजनैतिक समूह ए.पी.जी ब्रिक्स संसदीय समन्वय मंच

दी बैठकें च हिस्सेदारी कीती। भारती दल नै थाईलैंड दे संसदीय शिष्टमंडल कन्नै बैठक करिए संसदीय मामले च आपूं चे सहयोग बदाने ते आपसी हित दे मुद्दे पर चर्चा कीती।

<><><><><><>

### Nirmala-Sitharaman

केंद्रीय वित्त मंत्री निर्मला सीतारमण होरें आखेआ जे बनकदी ते समेंबद्ध फैसले ते आर्थिक सुधारें कोविड संकट थवां उभरने च भारत दी सहायता कीती। बेंगलुरु च विचारक मंच दे इक सत्र गी संबोधित करदे होई उनें आखेआ जे कोविड महामारी दौरान वैश्विक समुदाय नै भारत दी भूमिका गी पंछाना ते इसी सब्बनें थवां तेजी कन्नै उभरदी अर्थ बवस्था दे तौर पर दिक्खेआ। 2020 ते 2022 बश्कार कोविड ते मगरा रूस यूक्रेन युद्ध

दौरान पूरी दुनिया च आर्थिक संकट पैदा होई गेदा हा।  
खाद्य सामग्री, ईंधन ते उर्वरकें दे मुल्ल बड़े मते होई  
गेदे हे ते राजस्व संग्रह च गिरावट होआ रदी ही। संकट  
दे समें च जिनें मुख्यें अतिरिक्त मुद्रा दा प्रवाह कीता,  
ओह् मुख्य अज्ज 2 अंकें च महंगाई दा सामना करा  
रदे न।

<><><><><><>